

Mazarin
3493

Requete des rentiers...

UNIVERSITY OF N.C. AT CHAPEL HILL



00023010395

RARE BOOK
COLLECTION



THE LIBRARY OF THE
UNIVERSITY OF
NORTH CAROLINA
AT
CHAPEL HILL
Mazarin
3493

74
3493

REQVESTE
DES RENTIERS DE
L'OHSTEL DE CETTE VILLE
DE PARIS,
A NOSSEIGNEVRS
DE LA COVR DE
PARLEMENT

M. DC. XLIX.

REOUESTE

DES RENTIER S DE

L'UNION DE CETTE VILLE

DE PARIS

A NOSSEIGNEURS

DE LA COUR DE

PARLEMENT

M. DC. XLIX

*REQUESTE PRESENTÉE A NOS
Seigneurs du Parlement de Paris.*

SVPPLIENT humblement les Propriétaires des rentes de l'Hotel de cette ville de Paris assignez sur les Gabelles de France, disant que par Arrest du Conseil, des 10. & 24. Iuillet dernier, registrée en ladite Cour, portant reglement pour le payement desdites rentes, sa Maieité ayant entr'autres choses ordonné a M^e Jacques Dattin fermier general desdites Gabelles ses cautions, associés, & interressés porter és coffres dudit Hostel de Ville par chacune sepmaine, à commencer au dix neufiesme du present mois, la somme de quatre-vingts huit mil huit cens vnze liures douze sols, ainsi qu'ils ont fait, iusques aux mois de Ianuier dernier, pour le payement de deux quartiers & demy de rente & charges en douze Mois, estre employés par les Receueurs & Payeurs d'icelles à l'ouuerture des quartiers cy mentionnés, & outre de continuer le payement de la somme de quarante mil liures par chacune sepmaine, pour l'acquit des debtes desdites rentes du quartier d'Auril mil six cens quarate-vn, pour les anciènes, & Octobre mil six cens quarante quatre pour les

nouvelles d'une part, & les sommes deuës de reste des quartiers precedens adiugée par les Arrests de ladite Cour, & de la Chambre des Comptes d'autre. Au lieu de satisfaire aux ordres de ladite Majesté portées par lesdits Arrests, les supplians ont eu aduis que lesdits fermiers ont fait signifier au Greffe dudit Hostel de Ville, le treiziesme du present mois, seulement vne Requête par luy présentée au Conseil, par laquelle ils demandent pour les causes y contenuës, acte de l'abandonnement de ladite ferme, qu'ils disent auoir abandonné, & n'entendre s'immitter plus auant en la régie d'icelle; au moyen dequoy declarent qu'ils ne peuuent satisfaire au payement desdites rentes, ny executer lesdits Arrests, ladite requête signée Quentin, Bonneau, Aubert, Merault & Germain Roolland, au pied de laquelle il n'y a aucune ordonnance; & bien que par l'ordre de la Iustice, & par la forme de toutes les iurisdctions du Royaume, il deub estre au moment de ladite signification & abandonnement procedé contre eux, tant par emprisonnement de leurs personnes, que saisie de tous leurs effects & vente d'iceux, au profit des supplians, mesme qu'il deubt estre informé contre lesdits fermiers, à la diligence du Procureur du Roy de l'Hostel de cette Ville, suivant & en l'execution de leur bail & termes desdits Arrests du Conseil, d'autant que telle signification ainsi faite à

tard

tard & à la veille de l'exécution desdits Arrests est vn effect de la mauuaise foy que lesdits fermiers, ont tousiours pratiquée, à dessein de ruiner lesdits supplians, & profiter de leur bien par voyes indirectes, abusant du depost public; cependant comme si on leur auoit voulu donner le loisir de destourner leurs papiers & effects: il ne s'est fait aucunes poursuites, iusques au vingt-deuxiesme dudit mois, qu'apres vne Conference d'aucuns deputez de Messieurs des Cours souueraines dans ledit Hostel de Ville, avec ledit Preuost des Marchands & Escheuins & Officiers d'icelle, lesdits fermiers ont esté detenus dans ledit Hostel; lequel comme n'estans pas vn lieu assez seur pour retenir des personnes coupables de banqueroute & peculat, & autres crimes par eux commis pendant leurdit bail, comme pretendent le iustifier lesdits supplians; bien qu'ils ne meritent rien moins qu'vn chastiment exemplaire, & cette negligence à forcé les supplians de faire lors de ladite Conference, comme encore à present leurs protestations contre lesdits Preuost des Marchands & Escheuins, Procureur du Roy dudit Hostel de Ville; comme aussi de leurs femmes & enfans, heritiers & biens tenans du deperissement de ladite ferme des Gabelles, & de la repetition des arrerages de leurs rentes depuis le iour dudit abandonnement.

CE CONSIDERE' Nosseigneurs, & attendu qu'il s'agist de l'exécution de la declaration du

Roy du mois d'Octobre dernier, & Arrest de la Cour, Il vous plaise ordonner que Bonneau, Quentin, Merault, Aubert & Roland, fermiers desdites Gabelles seront incessamment transferés dudit Hostel de Ville en la Conciergerie du Palais à Paris, qu'il sera informé contre eux à la Requête de Monsieur le Procureur General en diligence des supplians du contenu cy-dessus, circonstances & dependances pardeuant tel de Nosseigneurs de la Cour qu'il vous plaira commettre, & qu'à cet effect seront publiées Monitoires, pour auoir reuelation des diuertissemens des deniers, papiers, declarations frauduleuses des terres & heritages recellez, de meubles appartenans ausdits fermiers leurs associez & interressés que cependant tous leurs meubles ceux de leurs associez & interressez, qui se trouueront en nature seront saisis, description faite d'iceux & en presence des supplians, pour estre en suite incessamment vendus, mesme proceder par voye de saisies reelles & vente de leurs immeubles pour les deniers en prouenans, estre mis és mains d'un notable Bourgeois, resseant & soluable, & par luy portés en l'hostel de ladite ville, & distribuez ausdits supplians qu'aux perils & fortunes desdits Tresoriers de France, Generaux des Finances des douze Generalités dependantes de ladite ferme, de faire description & inventaire de tous les deniers qui se trouueront és mains tant des Commis particuliers de tous lesdits

greniers, qu'és mains des cōmis Generaux desdits douze Generalités; comme aussi de tirer certificat pour chacun quartier des ventes qui seront faites desdits sels, depuis le premier Octobre dernier mil six cens quarante-huict, iusques au iour qu'il sera deliuré, ensemble certificat distinct & separé de tous lesd. sels qui sont dans lesdits greniers, tant de depost que de ventes, pareillement que les Grenetiers de chaque grenier particulier seront commis pour faire la recepte, vente & distribution des sels en la maniere accoustumée, avec vn commis General en chacune desdits douze Generalités pour les deniers estre par eux enuoyés dans l'Hostel de ladite ville, que pareillement il sera incessamment procedé à la publication de la ferme General desdites Gabelles, qu'à cet effect affiches seront apposées és carrefours & lieux publics de cette ville de Paris, & par tout ailleurs, pour estre icelle adiugée au plus offrant & dernier encherisseur en la maniere accoustumée en l'Hostel de ladite ville de Paris, & donner acte ausdits supplians de la protestation qu'ils ont cy-deuant faite verbalement lors de ladite Conference reïterées par la presente Requête, contre lesdits Preuost des Marchands, Escheuins & Procureur du Roy dudit Hostel de Ville, leurs femmes, enfans, familles, & biens tenans du deperissement de la ferme des Gabelles, pertes & diuertissements des deniers d'icelle, & des arrerages desdites rentes es-

cheus depuis le iour dudit abandonnement, iusques à l'entier restablissement de ladite ferme, & vous ferés Iustice. Signé de grand nombre de Rentiers.

Soit monstté au Procureur General du Roy, & communiqué au Preuost des Marchands, faict és vacations, le vingt-cinquiésme Septembre mil six cens quarante-neuf.

MONSIEVR LEVAIN.

Ledit iour 25. Septembre 1649. fust la presente requête signifiée, & d'icelle baillé coppie audit sieur Preuost des Marchands & Escheuins de cette ville de Paris audit Hostel de Ville, en parlant pour eux à M^e Martin le Maire Greffier dudit Hostel de Ville, & a eux déclaré que M^e Charles Gauyn Procureur en ladite Cour est leur Procureur, le tout à fin qu'ils n'en n'ignorent. Fait par moy Huissier en ladite Cour sous signé Laurdus.

